

Segunda Carta de SAN PEDRO

Saludo

1 ¹Үә, Simón Pedro cawāmecucu, Jesucristore paabojari majōcu cū caquetibujurotjoricu apóstol* majū yu āniña ati cartare mujāārē cawoajou. Jesucristo yarā majūrē mujāā yu woajoya. Mujāā cūā jāārēā bairo Jesucristo mena mujāā tūgoñatutuajūgoyupa. Marī Quetiupau Dios, bairi Jesucristo cariape caácu, marīrē canetōricū majū cūā, jīcārō tūnia marī joyupi cū mena marī catūgoñatutuapeere. ²Bairi mujāārē ñiña: Dios, marī Quetiupau Jesucristo mena na caquetibujucūrīqūērē mujāā camasīnemorō jūgori nocārō paio caroare mujāārē na jonemoáto. Caroa yericutaje cūārē mujāā na jonemoáto.

Cualidades del cristiano

³Dios ñe ūnie carusaecu ānirī cū camasīrījē mena marī jowī nipetirije caroa macāājē marī caātīānipeere. Tunu bairoa cūrē marī camaimasīpee cūārē marī jowī marī Pacu Dios. Tore bairo marī jowī, nocārō paio cū macū marīrē cabesericu cū caātīānimasīrījērē, cū carotimasīrījē cūārē marī camasīpare bairo ī. “Yūre bairo caroaro na átīānimasīáto,” ī caroare marī jowī. ⁴Caroaro cū

camasīrījē jūgori caroa wāme marī cū caátīpee cū caijūgoyeticūrīqūērē marī masīōwī. Tie puame nocārō majū paio cū caátīpee ñiña. Cawapapacarijere bairo caānie ñiña. Tie jūgori marī, ati umurecōo macāāna roro marī rupau caborore bairo caána, tiere marī majūā caátījānamasīrā marī ānio joroque marī ásupi. Bairo marī caáto, Dios cū caānajē cutiere bairo marī ānio joroque marī ásupi.

⁵Bairi caroaro tūgoñatutuanemoña marī Pacu Dios mena. Caroaro átīāña caroa macāājērē. Bairo caroaro átīāna, caroaro mujāā tūgousagarā cū yaye quetire. ⁶Bairo caroaro tūgousarā yua, mujāā rupau macāājē carorije mujāā caátigarije ūnierē mujāā ēñotamasīgarā. Bairo roro caáperā ānirī, caroaro yerijōrō mujāā ānimasīgarā. Bairo caroaro yerijōrō āna yua, Diore caroaro mujāā maimasīgarā. ⁷Bairo cū maimasīrī yua, mujāā yarārē na mujāā īñamaigarā. Na mujāā juátinmogarā. Bairo na mairā, nipetiro camasā cūārē na mujāā mainemomajūcōāgarā yua.

⁸Tie nipetirije caroaro ānajē cutajere mujāā caátimasīpeyoata, cañurā majū mujāā ānigarā. Camasārē cajuána majū mujāā ānigarā. Bairi marī Quetiupau Jesucristore cabūgoro mee cū mujāā

masiña. Cūrē mujāā camasiñijē wacutimajūcōāña, nemojāñurō tiere mujāā caátimasipeyoata.

⁹Noa ūna aperā camasā tie caroaro ānajē cutajere na caápericōāta, camasiētīmajūcōārā nibujiorāma. Cacaapee mána cañnamasiēnarē bairo tuabujiorāma. Tunu bairoa na carorije wapa caānimiriqūērē Jesucristo cū canetōōbojarique cūārē masiritipeticōābujiorāma.

¹⁰Bairi yu yarā, yu bairārē bairo caāna, nipetirije atiere caroaro ása. Jānaeticōāña. Jesucristo cū caborore bairo jeto caroaro ása. “Jesucristo yarā caāniparā Dios cū cabesericarā ānirī caroaro marī átiānigarā,” ī tūgoñaña. Tore bairo mujāā caátīānimasiāta, di rūmū ūno mujāā yasietigarā. Wātī cūā mujāā yasio joroque mujāā áperigumi.

¹¹Bairi tunu caroaro mujāā ānicōā nigarā. Ūmurecōopu mujāā caetari rūmū caāno marī Quetiupau Jesucristo marīrē canetōōricū cū Pacu mena caroaro mujāā bocágarāma. Topu marī Quetiupau cū carotimasirīpau capetietopu cū mena mujāā ānicōā ninucugarā yua.

¹²Bairi mai, atie yu caquetibujurijere mujāā yu quetibujunemocōā ninucūgu, tiere mujāā camasiñemoparore bairo ī. Merē mujāārē, cariape macāājē quetire na caquetibujuricaro bero caānimitacūārē, mujāā yu quetibujunemogu tunu. Tunu bairoa Jesucristo mena tūgoñatutuari caroaro cū caborore bairo mujāā caátīānimiatacūārē, yu quetibujunemocōā nigu mai. ¹³Tore bairo mujāārē yu quetibuju ānigu yu cacatiri rūmū ūno mai. Merē yu masiña baipua. Yua, mujāārē caquetibujunemopau ūcūā ānirī atiere mujāā yu quetibujuya. ¹⁴⁻¹⁵Apeyera merē marī Quetiupau Jesucristo puame

“Pedro, nocārō mea mu riacoagu,” ñi quetibuju masiōwī. Torecu, yu puame yu beri caānopu cūārē atie yu caquetibujurijere mujāā masinemocōā ninucūō joroque yu áticūña. Noo yu camasirō cārō tiere yu quetibujucūña ati yepapure.

Los que vieron la grandeza de Cristo

¹⁶Tunu apeyera, Jesucristo, marī Quetiupau, ati yepau tunu cū caatípee, cū carotimasirīpau macāājē cūārē caroa cariape macāājērē jāā quetibujuwu. Jāā majūā ī tūgoñamacārī jāā caīquetibujurique mee āmu. Jāā majūpua cūrē jāā īñawū. Nocārō cū carotimasirījē, cū catutuarije cūārē jāā īñamajūcōāwū.

¹⁷Jāā īñawū jīcā rūmū Dios, cū Pacu cūrē nūcūbugorique mena cū caībusurore. Atore bairo ī busuocajowu nocārō carotimasī Dios cū caīrījē busurique: “Āni yu macū, yu camai, yu cabesericu majū ñīñami. Cū mena butioro majū yu useaniña,” ī busuocajowī Dios. ¹⁸Jāā majūpua tie busurique ūmurecōopu caatīere jāā tūgowu. Jāā puame marī Quetiupau Jesucristo mena jāā āmu ti watoare ūtāū cañurīcupu.

¹⁹Masirī majā profeta* majā na caīquetibuju jūgoyeticūrīcārōrē bairo cariapea baiwī Jesucristo. Bairi mujāā roque tiere camasiñemogārā ānirī tiere caroaro cariape tūgoñanemoña. Tie caroa queti profeta majā na caquetibujucūrīqūē puame canaitiārōrē jīñaworiquere bairo ñiña. Tiere nemojāñurō mujāā cabuenemoata, mujāā camasipeyoetiēre mujāā masinemogārā. Bairi Jesucristo, busuri ñocōrē bairo caācū, cū catunuetari rūmū caāno tiere mujāā masī peticoagarā. ²⁰⁻²¹Cajūgoye mai atiere caroaro tūgoña masiña: Dios

ya tutipũ ape rũmũ cabaipere na caquetibũwoatucũriqũẽ puame jĩcãũ camasocu cũ majũã cũ caboro masĩrĩ cũ cawoatu quetibũjuriqũe mee niña. Bairi profeta majã cũã na majũ na camasĩrĩjẽ mena na caborore bairo na caquetibũjuriqũe mee niña. Na roque Dios cũ caquetibũjũ rotijoricarã ãnirĩ, Dios na cũ caĩrĩjẽrẽ Espĩritu Santo cũ camasĩõrõ jũgori quetibũjũ masĩñupã Dios ya tutipũ.

Los que enseñan mentiras

(Judas 4-13)

2 ¹Bairo na caĩmiatacũãrẽ, ãñupã Israel ya poa macãana menarẽ profeta* majã caĩtopairã, profeta majã Dios yarã mee caãna cũã. Na majũã na caborore bairo caĩquetibũjuri majã, caĩtopairi majã ãñupã. Bairi ãme cũãrẽ ãnigarãma na ùna mujãã watoare quetibũjuri majã cariape caquetibũjũena. Caĩtopairi majã nigarãma. “Caroa macããjẽrẽ jãã quetibũjũya mujããrẽ,” ĩ quetibũjũmirãcũã, na catũgoñarĩjẽ cañuetiere mujãã quetibũjũgarãma. Bairo quetibũjuri yua, marĩ Quetiupau mujããrẽ canetõõricũrẽ cũ boetimajũcõãgarãma. Bairo cañuetiere na caquetibũjũro jũgori Dios puame yoaro mee na recõãgũmi. Na yasio joroque na átigũmi yua na yaye wapa. ²Na cayasiparo jũgoye capããrã majũ mujãã mena macããnarẽ na ĩtogarãma. Capããrã majũ tũgousagarãma na yaye queti carorije macããjẽrẽ. Na cũã caĩtori majã na caãtore bairo roro átigarãma. Bairo na caãto ĩnarã yua, aperã cũã Dios yaye queti cariape macããjẽrẽ roro ĩ busuepegarãma. ³Tunu apeyera nocãrõ dinerore cabonetõrã ãnirĩ na caquetibũjũrije mena mujãã quetibũjũtori, mujãã yajagarãma mujãã cacũgorije ùnierẽ. Na caquetibũjũrije

mena mujããrẽ ĩtopegarãma caĩtopairi majã. Bairo na caĩtoãnie jũgori na cayasipee na cotemajũcõãña. Tirũmũpuina merẽ, “Cañuenarẽ roro popiye na baio joroque na yũ átigu,” ĩ jũgoyeticũcõãñupĩ Dios. Na ùna cañuena netõõtĩmajũcõãgarãma.

⁴Tũgopeoya mai: Dios tirũmũpũre ãngelea* majã cũrẽ cabaibotiorã, cũrẽ catũgousagaenarẽ, “Ñugaro, mujãã yũ reetigu,” na ĩẽsupĩ. Bairo puame na ásupi: Cañuena na caãno canaitĩãrõpũ na recõãñupĩ. Caũcũãrĩ ope pupearũ na jiyari na biajãcũcõãñupĩ mai cũ caĩñabeseri rũmũ caetaparo jũgoye. ⁵Tunu bairoa tirũmũpũ macããna cañuena na caĩni yũteapũre, “Mujãã mena yũ ñugu,” ĩrĩ mee na rurepeyocõãñupĩ Dios, na cañuetie wapa. Na mena macããcũ Noẽ cawãmecũcu jetore cũ netõõñupĩ cũ mena macããna jĩcã wãmo peti pũga pẽnirõ cãnacãũ mena. Mai, Noẽ puame cañũc caroa macããjẽrẽ caquetibũjũ majũ ãniñañupĩ. Bairi cũ jetore cũ yarã mena cũ netõõñañupĩ Dios. ⁶Torea bairo cañuenarẽ na reyupĩ Dios Sodoma,* ape macã Gomorra cawãmecuti macãã macããna ãnana cũãrẽ. Ti macãã cũãrẽ mũmrecõo macãã peero mena joerrecõãñupĩ. Ñẽ ùnie tuaricarõ mano, õwã jeto to tuao joroque ásupi Dios ti macãã macããnarẽ cũ careri rũmurẽ. Cabero tunu caĩniparã cañuena na catũgoñamasĩparore bairo ĩ, tore bairo átĩ ĩñoñupĩ merẽ. Tere tũgoñarĩ, “Cañuenarẽ popiye na baio joroque na átigũmi Dios,” na ĩ tũgoñamasĩãto ĩ, tore bairo ásupi. ⁷Baipua, ti macãã macããcũ Lot cawãmecũcu jĩcãũrẽã cũ rocaẽsupi Dios. Mai, Lot puame Sodoma, Gomorra macãã macããna roro na caãtĩãnierẽ ĩnarĩ butioro tũgoña yapapuanucũñupũ.

⁸Ti macãã macããna roro ʘmɛrcɔo, bairi ñami na caátianierê roro na cabusupaianie cûãrê tũgojutiri butioro tũgoñarĩqũê painucũñupũ. Caũmu caũmu ãnirĩ tocãnacã rũmua carorije na caátianierê ñnarĩ cũ yeripũ tũgoñarĩqũê painucũñupũ. Bopacooro baiyupũ caũuena roro na caátianierê ñnarĩ. Bairi Dios pũame cũ rocaesupũ, Lot cawãmecucu carorã mena caãnacũrê. ⁹“Marĩ Quetiupau masĩmajũcõãñami cũ caátipeere,” marĩ ĩ masĩña. “Cũ mena marĩ caãnicõãmata, marĩ Quetiupau pũame wãtĩ roro marĩrê cũ caátigarijere ãnotamasĩñami, roro marĩ catãmuoetiparore bairo ĩ. Tunu caũuena roquere preso joricarore bairo na cũrĩ na cũgomasiñami Dios, na cũ careparo jũgoye,” marĩ ĩ masĩña. ¹⁰Popiye na baio joroque na átigũmi Dios caũuetie na rupau macããjê ũnie jetore caátianarê. Marĩ Quetiupau cũ carotimasĩrĩjêrê caboena cũãrê roro popiye na átigũmi. Na ũna cajeyurã catũgoñamasĩẽna niñama. Na caboro caátipairã majũ niñama. Bairo caãna ãnirĩ uwiricaró mano nocãrõ catutuarã cabuenaarê roro na tutirenucũñama. ¹¹Ángelea majã roque caĩtopairã netõjãñurõ catutuarã carotimasĩrã nimirãcũã, narê roro na ĩ busujãepeetinucũñama Diopure. Di rũmu ũno roro na ĩ epereñaetinucũñama ángelea majã roque.

¹²Caĩtopairi majã pũame waibutoare bairo catũgoñarĩqũê mãna niñama. Catũgoñamasĩẽna niñama. Waibutoa pũame na catũgoñarĩjê mena mee tore bairã na caãnie jũgori tore bairo bainucũñama. Bairo buianucũñama cabero camasã narê ñerĩ na capajãreparore bairo ĩrã. Toreã bairo caĩtopairã cũãrê na regũmi na carorije wapa Dios. ¹³Popiye

tãmuogarãma na cũã aperãrê roro na caátieperique wapa. Na rupau roro caborore bairo átiãna, “ĩũseanirõ marĩ ãniña!” ĩ tũgoñanucũñama, na caátipauaca jetore masĩmirãcũã. Jesucristo cũ cariarica rũmurê tũgoñarĩ marĩ yarã mena mujãã cabose rũmu qũẽnorõ, na cũã mujãã mena bobooro, ñuetie majũ átajecana mujãã canearõpũ neñanucũñama. Ti rũmu caãno yua, roro na caborore bairo áti, nucũbũgorique mano useanirõ bainucũñama. Caroarã cañurãrê bairo na cũã na caĩtopairije mena caãna nimirãcũã, mujãã mena neñanucũñama.

¹⁴Tunu bairoa dico ũcõ carõmiorê na caĩñaata, cõ mena roro átaje mena jeto tũgoñanucũñama. Carorije ũnierê caátijutiena, cajãnaena majũ niñama. Aperã cayeritutuena caroare caátiwẽpũẽna ũnarê na busujãrĩ narê roro na átiepenucũñama. Caroaro majũ tie ũnierê átipeyomasĩmajũcõãnucũñama. Torena, carorã caũuena, Dios cũ careparã majũ niñama, tame. ¹⁵Cayasiricarãrê bairo ninucũñama. Jesucristo yaye queti cariape macããjêrê tũgousagaetimajũcõãñama. Beor macũ Balaam* cawãmecucu ãnacũrê bairo niñama. Cũ ãnacũ pũame roro átiri wapatarique ũnierê butioro boyayupũ. ¹⁶Bairo cũ cabairo yua, jĩcã rũmu Dios pũame cũ tutiyupũ. Balaarê, burro camasocure bairo cũ busuo joroque cũ ásupũ Dios. “Roro mu átigaya. Tiere ápericõãña,” qũĩ tutiyupũ burro Balaarê. Bairo qũĩ ãnotajãnaõñupũ roro cũ caátigamiatajere. Pugani ápeyupũ yua.

¹⁷Quetibũjuri majã caĩtopairã oco opee caoco manierê bairo niñama. Oco poarire wĩno capapurerore bairo niñama. Dios yaye caroare

marí catügogamiatacūārē, di rūmu ūno marí quetibūjētiyama na ūna. Bairi nocārō canaitīārō capetietopu cayasiparā niñama. ¹⁸Tunu apeyera, caītopairā netōjāñurō botioro caīā manie ūnierē ī busūnucūñama. Bairo caāna ānirī roro na rupau caborore bairo ātiāna, na busūjānucūñama Jesucristo yaye quetire catūgousajūgorārē. Ati ūmurecōo macāāna roro na caātinucūrijē ūnierē cajānamiatanarē na busūjānucūñama. Mai cayeri tūgoñatutuaenarē roro na ātiepenucūñama. ¹⁹Na puame, “Mujāārē cariapea jāā īña: Jāārē bairo mujāā caāmata, useanirō mujāā ānigarā. Mujāā caborore bairo mujāā átimasīgarā,” na ītonucūñama. Na majūā na yaye wapa cayasiparā nimirācūā, tore bairo na ī busūjānucūñama. Na roque carorije macāājērē caātirotiepe ecorā majū niñama. Bairi ni jīcāū ūcū camasocu, carorijere caātījānaecu tiere carotiepe ecoore bairo catuau niñami. ²⁰Apeyera tunu jīcāārā mujāā mena macāāna marí Pacu Dios, cū macū marirē canetōōricū yaye quetire tūgousayupa. Ati ūmurecōo macāājē carorijere ápeyupa. Bairo catūgousajūgoricarā nimirācūā, carorije na caātajere tunu ātinemoñupā. Bairo na caātaje jūgori, āme roquere jōpūame roro baiyama. Ati ūmurecōo macāājē carorije caātījānaena tiere jōpūame nemorō carotiepe ecorārē bairo majū tuayama yua. ²¹Jicoqueipua Jesucristo yaye queti caroaro cariape macāājērē na catūgousaeto, ñumajūcōābujioyupa. Jesucristo caroaro cū caroticūrīqūērē tūgousari bero tunu tiere na cajānaata roque, ñuētīna. Āme roquere netōjāñurō popiye baigarāma. ²²Na ūna na cabairi wāme majū atore bairo marí ñicūjāā ānana na caīrīcārō

puamata, baimajūcōāña: “Nuricū yai muño cūrī bero, tiere ūgayami tunu.” Tunu apeyera, “Yese cāā, marí cacoseatacu nimicūā, netōjāñurō ūguerirapu yuguicūñanemoñami,” tore bairo niñama Dios yayere tūgousari bero tunu carorije macāājērē caātinemomajūcōāninucūrā.

El regreso del Señor

3 ¹Yu bairārē bairo caāna, yu camairā, ati carta niña cabero macāā carta mujāā yu cawoajonemori carta majū. Caānijūgorica carta, bairi ati carta cūārē cariape mujāārē ñi quetibūju woajoya, Dios yaye quetire mujāā camasiritietiparore bairo ī. Puga cartapurea yu quetibūju woajoya, tunu bairoa cariape mujāā catūgoñamasīparore bairo ī. ²Tūgoñamasīna tirūmupu macāāna cañurā camasīrā profeta* majā na caīquetibūjuyariquere. Tunu bairoa marí Quetiupau, marirē canetōōricū cū caroticūrīqūērē masiritieticōāña. Jāā, Jesucristo cū cabuericarā, apóstolea* majā jāā caquetibūjunetōōrīqūē cūārē masiritieticōāña. Tiere tūgoñanemotōāña.

³Bairārpu, atie cūārē mujāā tūgoña masīmajūcōāgarā. Catusari yutea caāno atīgarāma camasā caītopairi majā majū. Na rupau caborore bairo carorije jeto caātīāni majā ūna nīgarāma. Dios yaye quetire roro caīboyetieperā capāārā nīgarāma. ⁴Bairo caīeperi majā ānirī atore bairo ī jēniña epegarāma: “¿Dope cū baiyupari Cristo, ‘Yu tunuatīgu,’ caīmiricū? Marí ñicūjāā na caāni rūmu, ati ūmurecōo caānijūgoripauca caānatōrēā bairo nicōāña mai,” ī epegarāma. ⁵Bairo caīrā ānirī Dios cū carotimasīrīpau ūmurecōo tirūmupua caānicōājūgoatajere masīētīñama. Marí

Pacu Dios puame cū carotimasirijē mena ati umurecōore jēñoñupī, oco mena jūgori. Tie oco mena jūgori niña ati umurecōo āme cūārē. ⁶Cū cabairotiricarorea bairo ati umurecōo cūārē ruocacōāñupī Dios. Tie oco jūgorina ati yepare ruocacōāñupī. ⁷Āme caāni umurecōo, ati yepa cūā Dios cū carotirore bairo cabaipēe cū cacūrīqūē niña. Ati umurecōo, ati yepa cūā ūpeticoagaro cū cabairotirore bairo yua. Peero mena yasigaro ati umurecōo, ati yepa mena yua. Dios camasārē cū caññabeseri rūmu caāno majū ti peero puame ati yepa nipetiropure joerepeticoagaro. Ti rūmu caāno Diore catūgousaetana cūā yasicoagarāma.

⁸Bairi yu bairārē bairo caāna, yu camairā, atiere masiritieticōāña: Marī Quetiupau Jesucristo patowācāētīñami. Cūrā, jicā rūmu puame mil cūmarī netōbauya. Mil cūmarī majū jicā rūmurē bairo etabauya. ⁹Mai, marī Quetiupau puame caroa wāme cū caātipēere cū caijūgoyeticūrīcārōrē átīwēpūēcū mee baiyami. “¿Dopēi tāmuri cū tunuapēriyati Jesús?” Ī busunucūñama jicāārā camasā. Bairo na caibusunucūmiatacūārē, bairo puame roque boyami Dios: Mujāā nipetiro Jesucristore tūgousari bero cū yarā mujāā caānipēere boyami. Bairi patowācāricārō mano caroaro īñajocōācū baiyami. Mujāā cotei átiyami. Dios puame ni jicāū ūcū cū cayasirore boetiayami. Nipetiro camasā na carorije wapare yapapuari cūrē na cajēnirō boyami. Bairo jēnirī bero yua, cū yarā majū na caānorē boocotei baiyami.

¹⁰Bairi tunu marī Quetiupau cū caatīpa rūmurē marī quetibūjūetiayami. “Ti rūmu majū yu etagu,” iētīñami. Bairi cayajari majōcu cū caetarore

bairo marī camasiētī rūmu ūno majū etagūmi ati yeparūge. Ti rūmu cū caetari rūmu puame butioro acūorije busugaro. Tocārōā yua ati umurecōo yasicoagaro. Ati yepa cūā ūpeticoagaro. Nocārō caāniepu cārō nipetirije ūpeticoagaro. Manigaro yua ati yepa.

¹¹Tore bairo Dios ati umurecōore cū caātiyasiopeere tūgoñarī mujāā puame cū caquetibūjūcūrīqūērē caroaro mujāā catūgousacōā ninucūrō boya. iCaroarā cañurā majū mujāā caānicotero boya, Dios cū carotirore bairo! ¹²Dios cū catunuetari rūmu caāno caroaro mujāā ānicoteyugarā. Bairi tunu cū carotirore bairo caroaro āsa, tāmuri nemo cū tunuatío joroque ĩrā. Ti rūmu caāno ati umurecōo puame ūyasipeticoagaro. Nocārō caāniepu cārō nipetirije ūrepeticoagaro.

¹³Torena, marī roque cawāma umurecōo, cawāma yepare coterā marī baiya. Marī Pacu puame, “Ti umurecōore rocarī bero, ape umurecōo yu qūēnogu tunu. Topu nigarāma yu yarā,” cū caijūgoyeticūrīcārōrē bairo cū caātipēere cayurā ānirī marī uwietigarā ti rūmu caetaro. Cawāma umurecōore puame cañurī umurecōo caroaro jeto āna umurecōo nigaro.

¹⁴Bairi yu yarā, yu bairārē bairo caāna, yu camairā, marī Quetiupau cū catunuetaparo jūgoye caroaro caroa wāmerē marī áticōā ninucūgarā. ũe ūnie wapa cacūgoena, cañurā, caroaro yerijōrō caānimasirā majūrē marī etarī cū ūseanio joroque caroaro marī átīānigarā cū jūgoye mai. ¹⁵Tūgopeoya: Marī Quetiupau patowācāricārō mano marī cū cacoteata, marī cū canetōpēerea cotei átiyami. Nipetiro marī canetōpetirore borī cotei átiyami. Ato yu caquetibūjūrore bairoa mujāā quetibūjū woajoyupi marī

yau Pablo cawāmesucu cūā. Marī Pacu Dios, cū camasiōrijē jūgori tore bairo ī quetibūju woajoyupi marī yau Pablo. ¹⁶Tocānacā cartapua tore bairo Pablo cūā mujāārē ī quetibūju woajonucūñami. Bairopua, jīcā wāmerī cū caquetibūjuriye masiriyo jāñunucūña, bueata. Bairi aperā camasā catūgomasiēna, Dios mena catūgoñatutuajūgomasiēna puame cariape tūgoetiayama. Bairo tūgomasiētīrī yua, Pablo yaye quetire quetibūju mawijiocōānucūñama. Tore bairo átīnucūñama nipetirije Dios yaye cū caquetibūjucūriqūērē. Tie wapa popiye na baiō joroque na átīgumi marī Pacu Dios.

¹⁷Bairi yu bairārē bairo caāna yu camairā, merē atiere caroaro majū

mujāā masīna yu caquetibūjuriye. Bairi caroaro tūgoñamasīna. Maijūgoya mujāā yerire. Mujāāpu caītorā na caīquetibūjuriye mujāā tūgousare. Narē mujāā ītoecore carorā na caquetibūjuriye. Diore catūgousarā nimirācūā, yasirique macāājērē mujāā tūgousare. ¹⁸Bairo puame roque ása: Marī Quetiupau, marīrē canetōōrīcū Jesucristore jōjāñurō nemorō cū camasiñemopee niña mujāārē nipetiri wāme cū camasā cutiānierē. Tunu bairoa nemojāñurō āmeo mainemoña. Bairi yua, cūrē marī cabasapeorije petietigaro. Āme, ape rūmu cūārē nicōā ninucūgaro. Bairoa to baiáto.

Tocārōā niña atie queti yu cawoaturije.